



**Chav Lis Haujlwm ntawm Tus Thawj Saib Xyuas Tsoomfww Kev Qhia Ntawv (OSPI)  
Kev Tshawb Fawb Feem Lus Hais Hauv Tsev**

<b>Menyuam Kawm Ntawv Lub Npe:</b>		<b>Hnub:</b>
<b>Hnub Yug:</b>	<b>Pojniam los Txivneej:</b>	<b>Qeb Kawm:</b>
<p><b>Tus Sau Daim Ntawv Foos:</b></p> <p>Niam-Txiv/Tus saib Xyuas Menyuam Lub Npe _____ Kev Txheeb Ze Rau Tus Menyuam Kawm Ntawv _____</p> <p>Niam-Txiv/Tus saib Xyuas Menyuam Kos Npe _____</p> <p>Yog ua tau, koj xav kom lub tsev kawm ntawv siv hom lus dabtsi tiv tauj rau koj? _____</p> <p><b>Koj tus menyuam puas tau txais kev pabcuam kev tsim kho feem ntawv Askiv los ntawm Qhov Kev Hloov Pab Qhia Ntawv Ua Ob Hom Lus rau hauv lub tsev kawm ntawv koj tus menyuam kawm yav dhau los? Tau__ Tsis Tau__ Tsis Paub__</b></p>		

1. Koj tus menyuam yug hauv lub tebchaws dabtsi?	_____
2. <b>Koj tus menyuam xyaum hais thawj hom lus yog hom lus dabtsi?*</b>	_____
3. <b>Hom lus uas <u>KOJ TUS MENYUAM</u> siv ntau tshaj plaws tom tsev yog hom lus dabtsi?*</b>	_____
4. Hom lus uas <u>cov niam-txiv/tus saib xyuas menyuam</u> siv ntau tshaj plaws thaum tham nrog koj tus menyuam yog hom lus dabtsi?	_____ _____
5. Koj tus menyuam puas tau kawm ntawv* nyob sab nrauv tebchaws Meskas dua li? (Qeb kawm theem pib mus kawm rau xyoo ib - qeb 12) ____ Yog ____ Tsis yog Qhov "kev kawm ntawv" nov tsis suav txog kev kawm ntawv hauv lub chaw neeg thoj nam lossis lwmyam kev kawm ntawv tsis raws cai ntawm cov menyuam yaus.	Yog tau, hom lus siv qhia yog hom lus dabtsi? _____ Kawm puas tsawg hli? ____
6. Thawj zaug koj tus me nyuam tau koom hauv ib lub tsev kawm ntawv hauv teb chaws mis kas yog thaum twg? (Qeb kawm theem pib - 12 <sup>th</sup> grade)	_____ Hli                  Hnub                  Xyoo

**\*WAC 392-160-005:** "Thawj hom lus" yog hom lus uas tus menyuam kawm ntawv nquag siv ntau tshaj (tsis tas yuav yog cov niam-txiv, cov saib xyuas menyuam, lossis lwm tus neeg) rau qhov kev sib txuas lus ntawm tus menyuam kawm ntawv qhov chaw nyob.

Note to district: A response of a language other than English to question #2 OR question #3 triggers ELL placement testing.

## **Lub Homphiaj ntawm Kev Tshawb Fawb Hom Lus Siv Hauv Tsev**

Kev Tshawb Fawb Hom Lus Siv Hauv Tsev yog tshawg fawb rau *txhua* tus tub-ntxhais kawm ntawv hauv cov tsev kawm ntawv Washington. Cov ntaub ntawv txuas mus ntxiv no yuav pab teb qee nqe lus nug uas tej zaum koj yuav muaj nyob rau ntawm daim ntawv foos no.

### **Lub homphiaj ntawm Kev Tshawb Fawb Hom Lus Siv Hauv Tsev yog dabtsi?**

Lub homphiaj tseem ceeb ntawm Kev Tshawb Fawb Hom Lus Siv Hauv Tsev yog pab txheeb xyuas cov tub-ntxhais kawm ntawv uas tej zaum yuav muaj feem raug xaiv pab txhawb tsim kho txuj ci kev paub ntawv Askiv kom lawv kawm ntawv tau nyob hauv chav kawm ntawv thiab txheeb xyuas cov uas yuav muaj feem tau txais kev pabcuam lwmyam. Qhov tseem ceeb tshaj mas cov ntaub ntawv no yuav tsum raug raws li cov ntaub ntawv sau tseg vim tias nws yuav muaj feem rau qhov muaj cai raug xaiv los txais cov kev pabcuam raws li qhov lawv xav tau thiaj li tuaj yeem kawm ntawv tiav nyob rau hauv lub tsev kawm ntawv. Tej zaum yuav tau xeem losyog ntsuas thiaj li paub tias puas yuav pab txhawb kev paub lus ntxiv thiab puas yuav pab txhawb kev kawm ntawv ntxiv licas. Tsis muaj ib tug menyuam kawm ntawv twg yuav cia li tau txais qhov kev pab tsim kho kev kawm ntawv Askiv los ntawm qhov sau rau daim ntawv foos no xwb.

### **Yog vim licas koj thiaj li nug txog tus menyuam kawm ntawv thawj hom lus thiab hom lus siv hauv tsev?**

Ob nqe lus nug txog tus menyuam kawm ntawv hom lus yuav pab peb txiav txim siab txog:

- Seb koj tus menyuam puas muaj feem raug xaiv pab txhawb kev kawm ntawv Askiv, thiab
- Cov neeg lis haujlwm tom lub tsev kawm ntawv puas ras txog lwm hom lus uas tus menyuam siv tom tsev.

Hom lus uas koj tus menyuam kawm hais xub thawj tej zaum yuav txawv hom lus uas tamsis no koj tus menyuam siv sib tham nyob tom tsev. Qhov teb rau ob nqe lus nug no yuav pab lub tsev kawm ntawv muab cov kev qhia kom tsim nyog los pab rau tus menyuam qhov xav tau thiab yuav pab kev sib txuas lus uas tej zaum lawv yuav tau ntsib. Cov tub-ntxhais kawm ntawv uas nws thawj hom lus kawm tsis yog ntawv Askiv tej zaum yuav muaj feem raug xaiv los pab txhawb ntxiv. Tseem tias cov tub-ntxhais kawm ntawv yeej tham lus Askiv tau zoo lawm losxij, tej zaum yuav tau pab txhawb ntxiv rau feem tsim kho txuj ci kev paub ntawv thiaj li kawm ntawv tau hauv lub tsev kawm ntawv.

### **Vim licas koj thiaj li nug txog qhov chaw yug tus menyuam kawm ntawv?**

Cov ntaub ntawv no yuav pab rau lub tsev kawm ntawv ib cheeb tsam thiab lub xeev txiav txim siab tias tus menyuam kawm ntawv no puas muaj cai raug raws li ntawm tus neeg thoj nam rau tsoomfwv kob nyiaj pab txhawb. Qhov no yeej siv tau tseem tias tus menyuam nws niam thiab txiv ob leeg yog neeg xam xaj Meskas losxij, tabsis tus menyuam tsis yog yug hauv tebchaws Meskas. Daim ntawv foos no yuav tsis muab coj los siv txheeb xyuas cov tub-ntxhais kawm ntawv uas tej zaum lawv tsis raug muaj npe.

### **Vim licas koj thiaj li nug txog kuv tus menyuam kawm ntawv qhov kev kawm ntawv yav dhau los?**

Cov ntaub ntawv ntawm ib tug menyuam qhov kev kawm ntawv yuav pab qhia tias tus menyuam qhov kev kawm ntawv nyob hauv tebchaws thiab sab nrauv tebchaws Meskas yuav raug coj los txiav txim txog iqho kev npaj pab txhawb thiab tau txais cov kev pabcuam hauv ib cheeb tsam. Tus menyuam qhov kev kawm ntawv yav dhau los yog cov ntaub ntawv tseem ceeb uas yuav coj los txiav txim seb tus menyuam qhov kawm ntawv ua ntej dhau los puas tau raws li lub xeev cov qauv txheej txheem kev kawm ntawv.

Ua tsaug koj pab muab cov ntaub ntawv xav tau qhia rau Qhov Kev Tshawb Fawb Hom Lus Siv Hauv Tsev. Tiv tauj rau koj lub tsev kawm ntawv ib cheeb tsam yog koj muaj lus nug ntxiv txog daim ntawv foos no lossis muaj lus nug txog cov kev pabcuam nyob rau ntawm koj tus menyuam lub tsev kawm ntawv.